



**REPUBLIKA E SHQIPËRISË**  
**-AUTORITETI I KONKURENCËS-**  
**Komisioni i Konkurrencës**

---

**V E N D I M**

**Nr. 107 Datë 23.04.2009**

**“Për  
marrje të dhënash me vendim Komisioni nga ndërmarrja “Taci Oil  
International Trading” Sh.A.”**

Komisioni i Konkurrencës me pjesëmarrjen e :

- |                            |            |
|----------------------------|------------|
| ▪ Znj. Lindita Milo (Lati) | Kryetar    |
| ▪ Z. Lush Perpali          | Zv/Kryetar |
| ▪ Znj. Servete Gruda       | Anëtar     |
| ▪ Z. Koço Broka            | Anëtar     |
| ▪ Znj. Rezana Konomi       | Anëtar     |

Në mbledhjen e tij të datës 23.04.2009, shqyrtoi çështjen me :

**Objekt:** Kërkim të dhënash nga ndërmarrja “Taci Oil International Trading” Sh.A nëpërmjet Vendimit të Komisionit.

**Qëllimi:** Marrje e të dhënave nga të gjitha ndërmarrjet nën hetim për një vendimmarrje objektive, para shprehjes së Komisionit lidhur me sjelljen e ndërmarrjeve në treg dhe kufizimet që sjellin aktet ligjore dhe nënligjore në tregun e karburanteve.

**Baza Ligjore:** Neni 24, shkronja d, dhe neni 33/2 të Ligjit nr 9121, datë 28.07.2003 “Për mbrojtjen e konkurrencës”,

**V È R E N S E:**

Autoriteti i Konkurrencës, ka filluar një hetim në tregun e karburanteve në bazë të vendimit Nr. 74 datë 11.03.2008 “Për Hapjen e procedurës së Hetimit të Thelluar në Tregun e Karburanteve”, të

Komisionit të Konkurrencës. Në vazhdim të procedurave Komisioni i Konkurrencës ka organizuar seanca dëgjimore me të gjithë ndërmarrjet nën hetim. Gjatë seancave dëgjimore nga Komisioni i Konkurrencës janë realizuar pyetje të ndryshme të nevojshme për një vendimmarrje sa më të drejtë e transparente. Ndërmarrja “Taci Oil International Trading” Sh.A. nuk ka marrë pjesë në seancë dëgjimore.

Me anë të shkresës Nr. 137, datë 20.03.2009, “Për kërkim informacioni”, nga ana e Autoritetit të Konkurrencës i është kërkuar ndërmarrjes që të sjellë informacionin përkatës brenda datës 10.04.2008. Edhe pas kalimit të këtij afati, ndërmarrja “Taci Oil International Trading” Sh.A. nuk ka sjellë informacionin e kërkuar.

Komisioni i Konkurrencës, sipas nenit 33 pika 2, mund të kërkojë informacion me anë të një vendimi. Në rast se ndërmarrjet japin të dhëna jo të sakta, jo të plota ose mashtruese, ose nuk japin të dhëna brenda afatit kohor, të përcaktuar në vendimin e marrë, Komisioni vendos gjoba, në masën jo më shumë se 1 për qind të xhiros totale të vitit paraardhës financiar, në bazë të nenit 73 pika 1 germa a) të ligjit nr. 9121, datë 28.7.2003 “Për mbrojtjen e konkurrencës”.

### **PËR KËTO ARSYE:**

Komisioni i Konkurrencës, bazuar në nenet 24, shkronja d si dhe nenit 33/2 të Ligjit Nr. 9121, datë 28.07.2003 “Për mbrojtjen e konkurrencës”

### **VENDOSI:**

1. Ndërmarrja “Taci Oil International Trading” Sh.A. për periudhën 1 Janar – 31 Dhjetor 2007, të sigurojë informacionin si më poshtë:

- a) Çmimi i blerjes në USD ose në njësi tjetër monetare (ashtu siç është blerë), të faturës së blerjes.
- b) Sasia e karburantit, të specifikuar benzinë, Eurodiesel (D1 ose D2)
- c) Shpenzimet e transportit, duke specifikuar se e keni sjellë me mjetin tuaj apo me qera.
- d) Shpenzimet e tjera deri tek vlera ose çmimi i zhdoganimit. Këto të dhëna të jenë në monedhën përkatëse të realizuar dhe të konvertuar edhe në lek duke pasqyruar kursin e këmbimit me të cilin është konvertuar.
- e) Çmimin e referencës të përdorur në madhësi absolute pra jo vetëm po ose jo, por dhe sa konkretisht në trajtë absolute.

- f) Kursi i këmbimit të përdorur dhe sa ka qenë ai për çdo deklaratë doganore. Në rastet kur ka qenë i ndryshëm nga kursi mujor i këmbimit të publikuar në doganë të pasqyrohet i specifikuar.
  - g) Detyrimet doganore të detajuara për çdo lloj detyrimi (akcizë, taksë karboni, TVSH etj.)
  - h) Vlera e tatimeve të pasqyruara në Bilancin Financiar për periudhën 01.01.2007-31.12.2007 (detajuar sipas llojit të tatimit).
  - i) Gjendjen e karburantit në fillim të vitit 2007 dhe në fund të vitit 2007, për çdo lloj karburanti që keni importuar dhe gjithsej, pra sa ka qenë gjendja juaj sipas bilancit në vlerë, por edhe në sasi sipas pasqyrave mbi të cilin është ndërtuar bilanci.
  - j) Të dhënat e kërkuara në pikën 8 dhe 9 të sillen edhe për ndërmarrjen tuaj të integruar vertikalisht (Shpk).
  - k) Sa ka qenë sasia e shitur e çdo lloj karburanti, duke specifikuar gjendjen në sasi dhe në vlerë në fillim të vitit 2007 dhe në fund të vitit 2007.
  - l) Sigurimin e Raporteve të rivlerësimeve tatimore për periudhën 1 Janar– 31 Dhjetor 2007.
2. Afati i fundit për paraqitjen e këtij informacioni pranë Autoritetit të Konkurrencës është data 04 maj 2009.

Ky vendim hyn në fuqi menjëherë.

### **KOMISIONI I KONKURRENCËS**

<b>Lush Perpali</b>	<b>Servete Gruda</b>	<b>Rezana Konomi</b>	<b>Koço Broka</b>
(_____)	(_____)	(_____)	(_____)
<b>Zv/Kryetar</b>	<b>Anëtar</b>	<b>Anëtar</b>	<b>Anëtar</b>

**Lindita Milo (Lati)**

**K R Y E T A R**

## Mendimi kunder

**Ne lidhje me Vendimin nr date 23.04.2009 te Komisionit te Konkurrences "Per kerkimi informacioni nga ndermarrja - Taci Oil International Trading Sh.A.- "**

Vota kunder ketij vendimi ka te beje kryesisht me faktin se ky vendim paraqet nje procedure krejtesisht te parregullt. Konkretisht:

Qellimi i vendimit te mesiperm eshte te detyroje ndermarrjen e mesiperme qe te siguroje te dhenat e listuara ne vendim ose ne te kundert do te penalizohet ne baze te nenit 73 te ligjit "Per mbrojtjen e Konkurrences"

Ndonse parimisht sigurimi i te dhanve nga subjektet per Autoritetin e Konkurrences eshte e detyruar sipas ligjit, vendimi i mesiperm e ka humbur kuptimin e tij pasi ai merret shume kohe pasi hetimi ndaj nermarrjeve, perfshire edhe "Taci Oil" eshte deklaruar i mbyllur nga sekretariati i Autoritetit te konkurrences, si i vetmi organ i ngarkuar me ligj per te kryer hetime ne lidhje me konkurrencen. (Shih njoftimin zyrtar te Autoritetit te Konkurrences " Autoriteti i Konkurrences perfundon raportin "Mbi hetimin e Thelluar ne Tregun e Karburanteve" dhe fton ndermarrjet ne seance degjimore", botuar edhe ne faqen zyrtare te A.K me date 16.12.2008.)

Palet thiren ne seance degjimore per tu degjuar , pra per te shprehur pretendimet e tyre dhe jo per tu penalizuar per pretendimet e komisionereve. Sekretariati ka patur gjithë kohën ne dispozicion per te kerkuar te dhena me vendim te komisionit ne kuptimin e mesiperm, kur sigurimi i tyre nuk eshte realizuar ne rruge normale nga ndermarrjet gjate kohes qe hetimi ishte ne proces.

Pas perfundimit te hetimit nga grupi i punes dhe dorzimi per vendimemarrje ne komision, pra kalimit te materialit ne procesin e vendimemarrjes, hetimi mund te rifilloje ose te plotesohet vetem me vendim te vecante te komisionit, kur hetimi i realizuar nuk e ka arritur qellimin e vet, dhe vetem ne keto kushte mund te filloje kerkimi i te dhenave per te plotesuar hetimin sipas detyrave te lena nga vendimi i Komisionit. Ne kete situatë grupi i punes mund te filloje cdo gje nga e para , pra edhe kerkimin e te dhenave me vendim komisioni kur dhenja e tyre refuzohet nga ndermarrjet.

Pervec kesaj te dhenat e kerkuara sipas listimit ne vendimin e mesiperm nuk sjellin asgje te re per komisionin per te gjykuar nese kompanite kane abuzuar apo jo duke realizuar sjellje te kordinuar midisi tyre sic pretendohet ne raportin e sekretariatit.

Vendimi i mesiperm peshtjellon keq procedurat qe duhet te ndiqen ne hetimet ndaj subjekteve ekonomike, ne kuptimin e fillimit dhe te mbarimit te tije, ne zbatimin e ligjit dhe qendrimin korrekt ndaj subjekteve qe hetohen. Ai perben nje precedent te keq per punen e Autoritetit te Konkurrences per te ardhmen

Per keto arsye dhe per te tjera te shprehura ne mbledhjen e Komisionit, kam votuar kunder ketij vendimi dhe kerkoj qe ky shpjegim ti bashkangjitet vendimit te lartpermandur.

Tirane me 23.04.2009

Lush Perpali  
Zv/ Kryetar

